

四庫全書

集部

欽定四庫全書

集部

南陽集卷十五

十四

詳校官庶吉士臣范逢恩

檢討臣何思鈞覆勘

總校官進士臣朱鈐

校對官待詔臣胡士震

謄錄監生臣王英紱

欽定四庫全書

南陽集卷十

宋 韓維 撰

律詩

冬日喜雨呈樞卿景仁

嚴冬溫氣襲人間，忽聽繁聲慰病顏。  
從律好風千里至，執權真令一朝還。  
頓抽隴麥全如握，欲綻江梅已可攀。  
主尹勤民嘉歲望，徑携歌鼓樂幽閒。

次韻和相公九月八日所賜詩

叢頭金菊層層鬧  
木末丹花艷艷紅  
美景歲時暌壽筆  
流光朝暮閱踈鍾  
詩成洛社騰郵置  
夢逸伊川捧杖從  
早晚安車來就第  
樽前重奏喜相逢

宴湖上呈穉卿

熠熠螢光草際流  
及時高宴落霞洲  
繁絃急筦宜清月  
細蘂濃芳艷晚秋  
飛鷺欲來迎畫舫  
跳鱗如喜脫金鈎

公許湖魚  
以不殺

知公加數為醇釀  
應許閒官爛漫游

和曾令綽買宅貽景仁

久治<sup>平</sup>孤學慕軻丘  
投老還鄉寡所求  
蓬華隨緣安靜  
默林泉乘興訪深幽  
高門此地成君志  
方駕何時寫我  
憂白首故人知  
所待一竿同釣鴨陂頭

和安國天鉢拈香

杖策乘緣利有生  
聞風猶得耳根清  
去年俱是凝然體  
存歿徒傷妄者情  
靈骨不隨烟共盡  
真心常與月孤明  
世人欲識泥洹路  
問取師今第幾程

後園雜花特獻輒書呈子華兄

向晚低雲還作雨稍寒飛雪又隨風  
新牙展盡枝頭綠落蔦飄成水面紅  
身外有名皆是妄盃中無物未為通  
扁舟少待暗陽放西閣何妨一醉同

和子華兄方惜罵聲之晚今忽聞之

山鳥凡禽處處鳴獨憐清嘒久無聲  
起從巖谷春風晚飛過林塘霽日明  
不為好音輕俗耳自逢真賞動詩情  
少年樂事今拋盡節物催人只自驚

陪景仁赴况之湖上燕集遇雨

炎蒸消盡作濃陰湖上茲遊喜重尋  
急雨洗開荷芰色清風借出箎絃音  
涼生頓覺絺衣薄歡至寧論酒盞深  
善謔清談都有適過從所得在知心

和子華湖上避暑

堤邊楊柳無窮碧亭下芙蓉四面紅  
島影低回明鏡裏荷香浮動綠樽中  
清心不厭飛山雨動髮時欣過水風  
鼎足坐談非俗侶不歸名教即真空

和昌言太中

眉秀瞳青却少容精神強健幾如公相逢細雨開籬菊  
自愧繁霜滿鬢蓬談道遠追西域祖題詩今得少陵翁  
鋒車北去歸何日且願從容一笑同

贈昌言太中

春風吹袂踰嵩嶺秋雨隨軒過潁亭達理偶同無刺語  
論交雖晚便忘形兩株枯木同危坐數朶寒花伴獨醒  
昌言不飲鴨子陂頭好光景幾時重見聚華星



和子華湖上書事

清霜彫遠木  
濕水溢西陂  
畫鷁凌空界  
鳴鷗矯翠漪  
菊殘猶可折  
竹密不容窺  
物我同真際  
誰當憚四知

和況之提刑途中遇雪

雲凝野曠接高低  
切切寒侵使者衣  
客路恍驚霜鬢改  
家山回望玉觴飛  
更添宿雨催花潤  
未放春雷起蟄威  
柳色壓堤清溜滿  
艤舡持酒待君歸

公時遺石榴

高冠趨尹君方掾

成都

促席迎賓我已翁

河

交態不忘平

日厚歌聲猶似少年工映堦露菊秋吟苦盈管霜榴歲

問通每與東隣話知舊白頭強健幾人同

景仁

同三兄安公亭看雨

高堂六月苦炎曦雨逐輕雷過後池水面涼生跳赤鯉  
林端聲寂語黃鸝翠深岸篠無風亂紅重葍薇到地垂  
清景雖嘉歡意少白頭支策坐題詩

偶成寄曼叔

紅芳落盡鴨陂邊  
白首傷春倍慘然  
自愧閒官消永日  
獨吟佳句想當年  
早休諸吏眠齋館  
時引雙童上舞筵  
聞說年來亦歸興  
琳宮仙籍舊無員

和君俞歲暮偶成

凍水迎風解芳芽  
逐日新不驚身漸老  
還喜物皆春  
短頻添雪心虛不受塵  
雞豚如有燕莫忘社中人

和景仁賦才元寄牡丹圖

勝事常歸蜀竒葩  
又驗今仙官裁樣巧  
彩筆費工深  
白

豈容施粉紅頰陋間金

洛花有間金者

不嗟珍賞異千里見君

心

登樓書事

病起思遐眺茲樓寓一歡  
烟蕪連雨脚秋稼入雲端  
鷺鷥起飢鴟啄果殘憑誰圖好景  
畫手世無寬范

次韻君俞

世事真千變年光又一新  
舉生皆是幻熙我莫如春嘯  
傲盈樽酒詩書滿席塵  
園林已芳意懸榻待高人

積雨成雪呈子華

寒威暗襲春和去坐擁重裘僅自溫對景直須忘適適  
隨機聊耳不言言興來一笑非緣酒道本無憂豈在萱  
欲與何人論此意竹風松雪滿西軒

和景仁

平池旋漲西山雨密竹頻驚北戶風垂箔屢銷檀炷紫  
出門時看杏梢紅酒成豈見甘而壞酒密花在須知色即

空

公所  
未達

只怪彫章今日至不知清醉昨宵同

登城樓呈子華

麥苗黃熟稻苗青  
餉婦耘夫笑語聲  
樓上清風簾箔靜  
田間白水鷺鷗輕  
展親會集從容樂  
娛老謳吟放曠情  
羽孽漸消民食足  
更無餘事計虧成

遊曲水園和景仁

樓峻城十堞堤長竹萬竿  
草芽生戢戢花藥落漫漫  
走筆狂吟放扶筇醉步跚  
屢回宜舞袖甘著墮游冠  
野老來窺坐沙禽不避觀  
兩行桃艷暖一道柳陰寒  
縱棹非

尋戴掀車免效藥官曹嗟倏農事閔艱難急景三春  
好浮生幾日歡康強直行樂此興不應闌

又和子華

沉陰消盡見春和初放扁舟泝綠波水際踏青憐日暖  
林間舉白為花多狂從田婦窺籬看醉任家童刮鼓歌  
年少縱歡饒點檢老歡終不掛誰何

同化光飲象之家

又從鄰舍客來折主人花游處當年似悲傷老去加興

長歌易放情密語無譁歸路生殘月春風醉袂斜

襄城道中懷曼叔

吾交作尉地南望一淹留歲月催人老山川記子遊向  
城非昔勇遇物更春愁獨喜高陽近嵐光逼馬頭

和謝主簿游西湖

雲陰開剝日光穿和氣隨風近酒船湖面波清渾見底  
樓頭山碧自生烟興長不忍回孤棹歌懶才能逐緩絃  
因子樽前話歸計醉魂先到峴山邊



景仁招况之聞用歌舞望門而反作此戲之  
一夜嚴風結素波盍簪寧避曉寒多范滂攬轡方清俗  
墨子回車豈惡歌雲外鴈寒驚歲晚林間鷓語弄春和  
知君不久承寬詔始奈紅裙綠酒何

對雪看梅

持梅况酒誠為得對雪看梅始見真失素定應潛送臘  
露紅如欲巧矜春神疑姑射今仍在雲覆巫峰曉更新  
誰識仙家事嚴秘舞妍粧靚不傳人

襄柑分惠景仁以詩將之

荊州解紱十經春迴夢青林  
遠漢濱霜氣輕寒催柑實  
渚波餘潤作甘津僧園採掇  
寧論數客路奔馳竟占新  
雪意垂收高會缺分金聊助  
席間珍

答微之

南園携樽數西陂縱棹同除書  
褒晚歲歸馭觴西風節  
物蕭條後交游寂寞中何時還  
一笑池上舞驚鴻

和冲公上人

遠色分諸島清光湛一陂鳥行排夕照竹影亂風漪道  
體煩摩撮禪心絕占窺由來翰范老佛法不曾知

和盈祖中散見寄

朝言民事兩無裨謝病還家獨掩扉散髮時從溪叟樂  
荷鋤仍逐野農歸山當樓檻千螺髻柳遶湖波萬羽旂  
鵬鷄逍遙各天分槍榆何意著雲飛

和景仁同游南園

喜公新就好林塘方駕來遊屬盛陽廣厦陰涼迴暑氣

平波炎赫變秋光  
酒中未免分清濁  
身外何曾校短長  
地勝人高多樂事  
須知洵美是吾鄉

和三兄游湖

竹陰迴抱柳陰敷  
石色青青潤不枯  
暫到已經風力勁  
更清須待月輪孤  
波涵天影迷高下  
雲覆山光變有無  
暑退疾清人意健  
縱吟狂醉是良圖

和景仁探春

山色青螺髻  
清波綠鴨頭  
已欣春事起  
那問歲陰流  
玉

蟻新浮盞金鱗恰上鉤衰年怯多酌尤怕范家甌

景仁  
甌小

深而

才疎非所用身退此其時靜默安虛室憂虞履薄澌景  
和聞鵲稔花近候梅知杖履從茲數非公孰與期

和况之

湖上和風艷翠漪柳枝搖動草芽齊珍禽綵翼嬉晴日  
游女紅裙上大堤新試畫舫浮鷁首却慚美盞乏駝蹄  
喜君不負持盃約正是桃花水滿溪

和子華兄聞布穀聲而鷓聲寂然

楊花飛盡葉成陰  
坐閱啼禽百種聲  
戴勝催耕當是月  
杜鵑遺恨豈今生  
及時燕樂風騷急  
感物傷嗟老大情  
自笑拙艱成底事  
十年不聽上林鶯

和景仁元夕

月上朱樓角  
風搖翠篠層  
傳聲迴步輦  
滴目爛行燈  
簫鼓千門沸  
弓刀萬馬騰  
詩翁懷盛事  
眉雪慘霜稜

禁戶千通鼓  
天街萬點燈  
懷君瑩如玉  
驅馬不嫌冰  
樂

事看流俗狂游記舊朋回思真夢幻不待訪林僧

展江亭看海棠遇風

少陵昔日富辭華愁見飄零萬點花寫物高才從古少  
傷春情緒此時加恨無巧語讒風伯直欲狂圖繫雨車

莫怪晚來觴屢嚼白頭判得醉流霞

前詩嘗  
有此句

送李宣德為縣太原

昔叨符守訪鄉評守節安貧得水名道在莫嗟為邑晚  
祿微須喜及親榮風吹白菊籬邊別雨落黃榆塞下行

善撫疲羸修分職邊庭無事正休兵

和君俞屬疾見詒

密桐新篠畫陰陰獨想禪房燕

闕

何者病

一塵不立本來心生涯易足惟高枕物累難除是苦吟  
乘興幾時回杖履後池泉溜有餘音

和太素喜景仁新宅

處仁由智古常然賢者寧同聚所寰植木便知如渭水  
結茅仍得見箕山杯深不許嘉賓訴花小須防稚子攀



投綬歸來無異事許公詩酒斷生還

况之席上作

桐葉翻飛荷芰香好風吹暑作清涼  
便驚簾幕生秋氣徑促金絲盡羽觴  
浮世已諳身是幻高歌莫笑老仍狂  
知君不久還符竹爛醉猶須教十場

和昌言謁見景仁所居話及洛事

重遷豈是賢人累樂內非期俗子誇  
萬瓦生烟新起第一經消日舊傳家  
浮舟共愛清湖色披竹時尋曲水涯

未信閒中無事役，隔年貪看別都花。

和貢甫

十年燈翳視浮榮，兀坐翛然槁木形。別後情懷非往日，  
老來光景似流星。厚恩未報心徒赤，多病何從髮復青。  
一覽彫章思舊好，忽如醒病得初醒。

賞梅花有懷曼叔

逍遙堂下去年梅

避去字

還向春來撩亂開，白髮每思同

泛客紅芳應怪久，停盃鴨頭新浪睽。游泛鷺羽遺民寄

刺裁聞說鈴齋多暇豫何時度曲逐風來

久不覩  
新曲

### 送曹大夫歸家

飛盡楊花見綠陰飄然輕蓋返家林  
野堂泥落歸雙燕  
紋簟風清戲一禽  
秀麥柔柔皆有望  
高軒華袞久無心  
知君自得閒中樂  
早寄新詩別後吟

### 寄微之通議

十五年來自在身  
晴天萬里見孤雲  
閒中密迹常同俗  
老去忠言尚愛君  
一坐精神歸素髮  
兩行歌舞避紅裙

早梅時節華燈夜日躔車公共醉醺

紅裙公  
美自携

和宋中散寄題景仁新池

北顧興王府東瞻象日畿稻塍常借潤黍尺詎能晞鷺  
浴葛芽短魚跳荇菜肥樂亭初置酒試舞旋裁衣逸冀  
相從老冥鴻自在飛月游剡小艇雨釣築新磯裁挿期  
春事追游惜晚暉氣同均我爾道勝絕從違安燕興棠  
棣艱勤陋采薇如何宋中散留滯不成歸

范公新池

忘機人似漢川陰  
取友從來亦斷金  
華屋萬楹開里第  
清池十頃是家林  
笙歌喧甚猶能默  
觴斝飛餘不廢吟  
便欲與君從此適  
藕花風外一披襟

和景仁喜晴

濃陰開積晦  
和氣散餘淒  
碧愛城陰草  
紅知花下泥  
啼雞一聲盡  
歸鴈數行低  
溪路桃爭發  
湏防去棹迷

黃葵花

池上朝來玉露零  
檀心先向日邊傾  
側金巧樣新成蓋

蒸栗溫姿始號瓊芍藥未應推艷品牡丹須合避姚名  
秋花碎瑣誰能數醉眼逢君亦自明

又

春花夏藥已飄零秀出秋芳一朵傾稟賦定應全得土  
遮圍須合盡彫瓊鵲衣照水勻顏色仙袂無塵莫壯名  
應笑菊花妍意少籬邊冷落伴淵明

和微之宴景仁新第

華構經營不日成宛如圖畫著丹青溫貂密坐浮香篆

綠蟻盈斟照弁星  
得地新篁皆嫋嫋  
凌霜修檜自亭亭  
祝公眉壽長康樂  
不學癡人事醉醒

退之以不鋪  
精吸醱為痴

寄侯官知縣呂宣德

鴨子陂邊昔並遊  
別來頻見藕花秋  
十年已慣身蕭散  
百里空嗟手滯留  
道在豈常忘塞馬  
機間真可伴沙鷗  
平時几案應多暇  
還有妖歌近耳不

和微之宴張大夫家園

郎官高會一時賢  
勝踐幽棲近接聯  
敢論懷黃誇故國

聊欣垂白上華筵同心况是論交舊二首何疑貴老年  
東里作詩成故事明珠當盡落吾前

和王都尉

乘槎天上客脫帽酒中仙談笑非俗韻歡欣忘我年浩  
歌輕白雪密意得青蓮詩就西樓月留為好事傳

和子華安國明空頌

欲識真空理須明動用間色心全不礙生死豈相關卷  
箔涼風動焚香晝景閒回頭大行路滿目是青山



和三兄晚飲

乍去炎氛濁暑中高懷幽事不如窮乍憐老竹梢雲碧  
已見新梨著露紅回雪舞腰來洛浦仰天歌韻有秦風  
雄圖壯節消磨盡所得清樽一笑同

送辛十七作尉鹽城

少年嘉譽冠諸生白首青衫僅有成千里辛勤州縣職  
一觴悽慘里問情家臨潁水花催發柳遶長堤絮撲行  
寸祿折腰何必去道存心在即淵明

棣華堂

錦衣賚鉞耀當年心在王家迹在邊  
論議每先諸將勇規模仍襲仲兄賢  
一朝華棟飛翬動四坐清觴挿羽傳  
欲賦酬章慚懦武白頭終日誦塵編

和十一侍郎

地傳槐大井泉深昔侍先庭此鎮臨  
奉使共成三世澤思親還愴百年心  
懷金豈足驕顏氏抱甕徒勞拙漢陰  
抖擻塵中千萬慮海風高處坐披襟

送門客李秀才赴省試

傷思易子聞前戒務學求師是至言豈有車魚延上客  
欲將詩禮示諸孫青衿散後人千里黃菊開時酒一尊

壯歲雄圖當自勉未應長嘯入蘇門

蘇門山召之  
舊隱存焉

累日不到中園晚步閒詠

南陌西陂趁物華歸來扶杖重咨嗟綠羅淺淡新開葉  
紅玉玲瓏半謝花泉溜拍池初跳鯉柳枝含雨不勝鴉  
啼禽亦有傷春恨百種鳴聲到落霞

和子華同程中散燕湖上

林塘瀟洒夏陰初翠竇紅芳助燕娛不用俗音流樂府  
自期仙御下蓬壺金跳巨鯉開紋浪雪洒羣鷗度綠梧  
日落人歸尤勝絕藍輿回首盡城隅

和景仁寒食

韶華已過半感嘆固多同萬室初葺火千花競笑風林  
光高藹藹山氣遠葱葱灑淚松阡里傷心白髮翁

和景仁同稚卿湖光亭對雪

共喜忘懷勢利間每逢嘉景便開顏  
梅花冒雪輕紅破  
湖面先春嫩綠還  
浮蟻濃來當為醕  
冥鴻高舉不須攀  
我慚習氣歡狂在  
未及仙翁一紀間

和仲吳在高陽日作詩見懷而不見寄

常記當年並馬鞍  
翛然無事世塵間  
獨憐交契如君少  
仍喜官曹共我閒  
却顧舊遊空歲月  
欲傳佳句邈河關  
從今會合尤須數  
此別相看鬢已斑

王巖叟招飲南園

得殘字

翠木珍叢百畝間  
我來雖晚及春殘  
未嗟流景飄蓬疾  
猶喜餘芳對酒看  
斜照舒遲明埤垵  
清陰迢遞覆欄干  
憑君莫剪高花盡  
留挿遊人醉後冠

謝堯夫寄新酒

故人一別兩重陽  
每欲從之道路長  
有客忽傳龍坂至

開樽如對馬軍嘗

嘗怪杜詩曰洗盞開嘗對馬軍及得錦屏山題名有寄河南府使馬軍送

新酒者然復躍然

定將瓊液都為色  
疑有金英借密香  
却笑當年彭澤令  
籬邊終日歎空觴

陶靖節云秋菊盈園而時醪靡至

寄致仕李洵大夫

買得田園便退身  
世間今作自由人  
不爭路上風波靜  
無相光中日月新  
紅葉委堦非異物  
碧峯當戶見全真  
知君未放狂心歇  
興在陶公漉酒巾

南陽集卷十



欽定四庫全書

南陽集卷十一

宋 韓維 撰

律詩

送海印住香巖頌

枕石漱流塵外趣，隨緣應物谷中聲。  
更無賓主能酬對，自有兒孫可使命。  
萬古清風歸法語，一輪明月伴經行。  
鼇山成道知何日，時竚雷音警妄情。

宴逍遙堂

朱顏綠鬢盡才良，永日逍遙宴此堂。  
樂事已先桃艷動，歡情仍共雪花狂。  
夢中身世知虛實，醉裏光陰任短長。  
榮辱譽非那復問，無何有處是吾鄉。

贈香巖數老慧照上人

勝地名藍代有人，惟公傳得國師真。  
蒼崖翠壁風流在，傑閣隆樓指顧新。  
半死半生排俗世，一顰一笑是家珍。  
欲知聞法諸天喜，庭下于今有瑞筠。

師增葺寺宇一新  
傳法之初忽生竹

異常遂以  
瑞筠名亭

公美侍郎賦詩見詒次韻答謝

哭兄悲友老來情  
默默終朝究道精  
雙轂幸回賢者駕  
一觴聊展故人誠  
身隨風力常無住  
辯若河源每自傾  
早晚東城見華屋  
與君垂白話無生

和三哥立春即事

青帝收寒歲令回  
綵幡今勝下天來  
人聲愷樂歸歌岳  
風氣恬和拂壽杯  
髮逐時光明似雪  
心諳世味冷于灰

西堂梅蘂今年晚應待安輿到始開

和子華見寄

松栢無心自後凋此心無物更寥寥伯夷豈是歸周晚  
孟子空嗟出畫遙談道每嗤猶有待當官常欲取非招  
荒園寂寞無誰語蘭菊幽香沒艾蕭

和太素大雪苦寒

晨興出戶望一色四方齊旋委清池失偏欺翠竹低杯  
深怜絕景毫健得新題麗藻思風絮衰顏怯凍梨

古人以老

人顏色如凍  
梨謂之梨老

答杜李錫觀鄉老堂

華髮蒼然亮直身誰將綵筆欲傳神  
論功顧我常流汗好事煩君為拂塵  
漢閣寂寥班氏贊伊川瀟灑白公真  
懷賢却坐酬嘉句空覺中郎善愧人

送太素南遊

戕性傷生俗所同人間今見百年翁  
無稽不學公超霧有待猶嗤禦寇風  
心到靈源千慮息氣隨真火百骸通

臨觴不用嗟離濶達者相忘道術中

和定國廷評

孤身萬里逐流人兩見炎洲末利春  
勲族每蒙朝念舊聖恩方與士更新  
忘憂自有禪心靜禦瘴無先道氣醇  
博野為霖非我事願聞雷雨躍窮鱗

和昌言喜雪

萬里多仁德有隣故交仍珮左魚新  
歡娛每恨流陰駛談笑幾還太古淳  
浮蟻生光盈壽筇驚鴻取勢落華茵

題詩寂寞高眠冷笑殺尊前起舞人

再和昌言喜雪

別作和景仁  
喜雪二首

精禱潛通上下神恍然佳氣一朝新  
隆樓傑閣偏宜曉  
槁木殘荄盡變春  
有客裁詩傳錦段  
誰家度曲試朱脣  
相思不得相從樂  
虛作箕萑無事人

又作自  
在人

愧無竒策輔吾皇  
乞得閒官老故鄉  
壯志未甘悲白髮  
歡情猶看舞紅粧  
長歌不計閒光景  
吟苦難滋舊肺腸  
多謝同心二三友  
每傳佳句挹華觴

玉汝弟創治新居作詩見詒次韻為答

止足嘉言每念茲，不應華髮歎歸遲。  
非關啓第誇三戰，直為營巢欠一枝。  
盛放清風來北戶，細分鳴溜入西池。

六弟池同  
用漢陝水

十年契濶多遺恨，今日欣同仲氏簞。

次韻玉汝弟乞致仕不允

人生大節在行藏，七十歸休有舊章。  
紅旆碧幢雖帝寵，紫嵩清潁是吾鄉。  
老依蓮社心冲寞，夢遶榆關路杳茫。  
何日安車解歸鞅，濁醪雞黍晏東岡。



寄謝師直

十年三退卧吾廬解組歸來始定居數畝家園荒杞菊  
一池秋水拂龜魚臨花對月難忘酒咏古懷賢不廢書  
更欲兩忘真俗累逍遙常御白牛車

對雪偶成三頌呈芳公長老兼簡收貴二上人

二見  
絕句

誰識天公造化情珠樓玉殿一朝成色空無有何能辨  
陵坎高低本自平定見烏雞遭指注寧分皓鶴失鮮明

可憐辛苦齊腰客不悟紛紛覲面呈

送芳公長老歸法雲

水際茅亭竹下庵清談竟夕不知厭  
伽佗善巧何能繼  
經藏幽深亦許覘  
額內珠存雖本有  
眼中金落復誰拈  
圓通到日如相問  
為道春來米價添

送崔朝請通判徐州

與君仍世接游從  
造次相敦德義中  
善繼家聲名父子  
不追時好古人風  
沅光豈受長繩繫  
妙道才容一線通

待得鈴齋民訟簡更將此理問龐公

送曾通直入京

敏學高文俊茂身少年今見魯公孫明心早得無生意  
清耳常聞有味言綠鴨陂中春縱棹芰荷池上雨移樽  
臨分有贈非他物聲利精忘道始存

呈諸先輩

謝事歸來老白頭杜門終日絕營求顧慙義禮非先得  
竊幸英豪許並游介壽又逢春酒熟貽詩常駭暗珠投

自慙筋力難為禮不及低回奉獻酬

送堯夫知陳州

亮節金堅氣玉溫入登廊廟出藩垣談經每盡先儒意  
議政居多長者言恩恤疲羸蠲重賦禮加耆老屈常尊  
白頭但祝公歸早南陌東陂並短轅

與林大夫謝靈壽杖

萬歲山中美木成

木生此山

古今靈壽得嘉名龍鱗未測他

年化蝸角先從每節生

每節生四角

禪擬問來須便打醉思

吟後不妨行使君有惠憐衰繭欲報慙非添思清

送孫廣

文才武略有家規懿行鄉閭雅見推乘障詎能申遠業  
偃戈良喜遇清時風吹秀菊籬邊發雨落黃榆塞下悲  
白首情懷何以慰從軍早寄仲宣詩

和玉汝弟甘雨應祈

后稷明農佐有媯恥令世有一夫飢勤民事業能如古  
閔雨精誠必應時頓覺微涼生水際尚思餘潤浹天涯

恤人自享宜君福

古人云是宜為君有恤人之心

小疾何須更祝釐方弟

苦痺疾

六弟親詣松楸時祭

上冢還家古所榮  
白頭今日倍傷情  
懷今又出高陽里  
夾道爭看太守旌  
應念少游嘗有語  
可能疎氏獨高明  
昔湖水色清堪濯  
毋使塵埃久污纓

筵上遇雪贈人

前賢遇雪方乘興  
何況雪飛歡興時  
自古難并惟美景

人生不飲是痴兒，顛狂故態無先舞。  
淡薄幽懷子獨詩，安得瓊花更飄洒。  
常令此物及蚩蚩。

寄李公達

早為書殿同遊客，賞貳侯藩共理臣。  
流景又逢黃菊節，

狂懼猶記紫荆春。

回中山色

浮生幾度花前飲

京師相遇每一再飲訪

舊多為柏下人，聞說真乘得深趣。  
暫拋珍御出埃塵。

謝厚卿載酒見過

黃花池館雨餘清，載酒親迂太守旌。  
交契早陪廊廟語，

賓歡曲盡里閭情

所招賓客皆  
某里中遊舊

尊前白髮時間樂燭下

紅粧分外明今日始諳閒氣味十年枉却嘆勞生

再和二首

壯歲希高事獨清介然何意慕三旌無邪每奉先儒戒  
有犯常存狷者情任重股肱慙暗弱老全骸骨賴休明  
非因大旆聞來往仲蔚蓬蒿遠舍生

應為開門近太清故携歌管逐雙旌酒逢歡後寧論量  
語到真時不屬情木葉吟風千籟作菊叢含雨萬珠明



知公几案常豐暇詩思如泉日夜生

謝李公達惠詩再答

功名無得得閒身位列東朝愧漢臣

二疎皆傳

空性屢撈潭

底月浮名郎記禁中春知音罕遇忘言士絕學常思過  
量人莫取無心心外道此心生處即為塵

次韻和厚卿答微之

秉節當官號直清非招不往為反虞旌書聞玉座光儒

效任久琳宮長道情老縱筆鋒尤壯健醉評花艷益精

明吾人豈是蓬蒿士  
默默拘孿過一生

和微之

風騷宿將勇於行  
白日堂堂整旆旌  
再鼓未甘衰戰氣  
千毫猶可奉詩情  
忘機始驗朋歡浹  
受惡方知酒令明  
了得本來常寂滅  
一塵何足累無生

贈卞大夫

鍊得朱顏老不衰  
歸來三徑有餘資  
青林蔽日深開第  
翠竹生寒密映池  
明月泛觴頻度曲  
華燈照序未收棋

白頭默坐公母怪獨愛泉聲入夜時

從厚卿乞移水仙花

翠葉亭亭出素房遠分竒艷自襄陽

此花折置水中月餘不悴琴高

水仙名住處元依水青女冬來不怕霜

冬月方開

異土花蹊驚

獨秀同時梅援失幽香當年曾効封培力應許移根近

北堂

謝到水仙二本

黃中秀外幹虛通

此花黃白中黃莖幹虛通如蔥本乃生武當山谷中士人謂之天蔥

喜佳名近帝聰  
密葉暗傳深夜露  
殘花猶及早春風  
拒霜已失芙蓉艷  
出水難留菡萏紅  
多謝使君憐寂寞  
許教綽約伴仙翁

送孫通直

白首歸來養性情  
同時流輩盡彫零  
忘懷物外思游好  
訪舊樽前得典刑

君笑兒聲音  
甚類吳井

霜月醉留湖榭  
白雪風

吟度隴山青  
斯民利病君多識  
好奉新書謁帝庭

和杜七學士見寄

謀猷久恨辜明主骸骨終蒙賜老臣絕口敢論當世事  
放懷重老故園春閒尋物外忘言客喜過杯中得趣人  
能作新詩仍寄我知君心不在埃塵

會微之諸君

開齋坐閱歲華空樂與賢豪燕喜同清影屢移松桂月  
和聲頻送管絃風遠於籍外追歌妓恨不樽前作醉翁  
况近始郊多廢事共迎蕭露入絃中

觀安公亭戲呈觀文主人

十五年來此地行白頭重到不勝情寒梅未放黃金藥

冰綻初流碧玉聲憔悴霜松如有訴

菴前一松枯悴輒呼園吏汲水灌之

紛披風竹似相迎紅裙散後歌音絕海鶴堦前時一鳴

招王微之

龍圖老學士腰痛比如何久闕新詩和應尋曲舊歌梅  
紅輕綻萼池綠細生波欲與君同醉春風試舞羅

和曾通判招飲後見貽

竹際松間構小堂高眠客榻燕華觴每詢濁酒頻加釀

不問餘金幾在囊自愧效陶無好語敢煩凌杜發新章  
慶門又喜親才子藉藉聲華滿士鄉

次韻玉汝

浮生難得是華顛美景能并屬禁烟况值公庭多暇日  
且欣農畝兆豐年曾裁酒量容杯斝謂品歌聲被管絃  
莫道老人無氣力能排萬事付陶然

和曾令綽資政西湖見貽

虎節嘗三換琳宮亦再來白添新髮紅識舊亭臺酒

為迎寒好花應趁暖栽但愁衰謝意未到已思迴

同芳公上人遊湖

晴陽溢目盡光華乘興閒來步徑沙水滿不知新獲稻  
霜嚴猶放後凋花傳心密處寧離妄著眼高時亦是邪  
竟日清談何所得魚沉鷺起各歸家

和公美以諸家會集所賦詩

道在何非樂官閒不近權過從只閭里真率易盤筵捉  
麈躬干聖街杯慕八仙清歡垂老得佳句即時傳玉醴



初醇日瓊花欲墜天誰能於此際華髮問流年

送忠玉提刑還朝

十五年前相遇地白頭還喜一樽同從容笑貌忘君老  
款密情期似乃翁別席俯迎籬菊秀全家看盡渚蓮紅

移居展  
江亭

臨分不用言為贈奕世忠臣自祖風

和微之

范堯夫相公  
卜大夫在坐

早接忠賢論常欽古學風何期華髮後更得綠樽同遠  
水秋光外高亭夕照中芟盤凋晚翠菊艷奪春紅

桃菊  
盛開

歌放聊娛老談精本代工歡餘笑張翰迢遞想江東

賓主

四人並  
家頴昌

寓展江亭謝堯夫寄酒及花

措枉我先違陞石均勞公亦下堤沙已欣晚歲逢良友  
更喜高秋見好花旨酒芳新來似水危亭清絕至如家  
三杯舉白歌相和忘却風前兩鬢華

予招賓和微之

恩子琳宮庇病身閒中得近酒盃頻偶成五老追前會

子與微之四君  
年七十以上

仍喜三公作主賓

堯夫罷相偃  
藩猶黑頭

歡興到

來歌自發吝情消盡語皆真時人不用驚疎放同是義

皇以上人

和微之堯夫作會

燕豆何頻設歸鞍夜屢闌敢言揮塵倦惟怯酌觴難就  
暖歌筵密憑高繪境寬未甘閒處卧猶學少時歡浮蟻  
凌山玉飛花掩袖紈

雪賦云紈  
袖慙治

幸同諸老醉擊壤頌安

安

予會賓答微之惠詩

官冷身閒百不營一時高會得耆英  
盃心酒氣兼香重池面水華共月清  
鐵騎忽從絃上出水龍爭向笛中鳴  
白頭學士耽禪習未免詩魔攪道情

陪范堯夫之北第飲彞叟新堂

光祿新堂指顧成非奢非儉稱高情  
春風為我開朱戶晴日從公駐彩旌  
庭下早梅驚喜客門前垂柳欲啼鶯  
追攀夢境終何得識取家鄉舊路行

寄慶州德孺待制

常愛公家好弟兄，忠言直道友于情。  
心期光祿朝中駕，目斷將軍塞上旌。  
埤垓高風回過雁，琵琶宵寂語流鶯。  
共欣出處非它轍，報國誠身各自行。

燈夕次韻答微之

白首還家再遇春，每將絃管樂脾神。  
况逢舊相分藩契，仍喜閒官脫世紛。  
燈散異光全作晝，歌翻新調欲留雲。  
歸時絕景醒餘醉，極望銀蟾照玉塵。

寄鄭州曾資政

魯公旌旆鎮茲邦，曾奉樽罍佚老堂。  
彩服過庭聞政術，緇衣傳世見詩章。  
龍門外波光綠，集鳳臺邊柳色黃。  
應感歸歟形麗唱，故園春草滿池塘。

答李正議見貽

如公舉世幾何人，八十年齡自在身。  
處俗不違諸有相，持心肯受一微塵。  
逢僧便出衣中寶，待士多陳席上珍。  
火宅未須生厭苦，不離當處豈非神。

和堯夫思湖上秋時見寄

落盡芙蓉十頃紅  
敗荷衰艸滿秋風  
夷猶畫鷁來天外  
嘹唳驚鴻入鏡中  
亭榭衰成如待我  
樽壘開處便思翁  
粗官豈得君留滯  
府第深嚴合在東

答唐州鄭郎

先帝宮藩昔曳裾  
便將狂直許傾舒  
制分內外常更掌  
省列東西亦預除  
敢以功名為已任  
自知謀議與時疏  
歸來粗足生生計  
幸免鄉鄰厭乞諸

答外孫楊承務

享厚功微每愧顏辭榮聊企漢疏賢居民未覩黃公化  
過客空疑絳老年適用每慙龜手伎全生真賴馬蹄篇  
從今風月知無負鴨子陂中有釣舡

答張念五

浮雲名宦祇勞人解組歸來徑杜門繼世命官聯六傳  
傳家與子及諸孫聖賢相對書千帙閭里交歡酒一樽  
荷芰滿湖秋氣早待君方駕踐誠言

昆仲屢約遊湖竟  
不至今茲恐是誠



也言

范奉議作西江月勸酒

故里親交半柏城，坐中牢落似明星。  
雨多秋草荒三迳，零重寒花坼萬鈴。  
閒後并和詩筆廢，興來未放酒杯停。  
樽前一曲西江月，猶識當年舊典刑。

請微之飲

句解章通字字安，書成進御九重觀。  
更加親切從新詔，却得高閒是舊官。  
禁閣不憂連夜直，好山應許老年看。

菊香酒熟身無事且盡樽前一笑歡

桃花承露紅

葦英憔悴藕花零籬下紅芳特地榮妍麗頓添秋氣象  
歡娛潛動老心情武陵溪上分顏色洛水園中得號名

洛水牡丹有  
名承露紅者為此徑須判一醉緩調絲管促飛觥

招致仕諸君飲

閒裏高官物外身追歡高會及良辰菊含曉露精神健  
酒入涼天氣味醇雙管龍吟清徹漢四絃鶯語巧回春

樽前不用存形迹同是鄉閭白髮人

和厚卿值風阻遊范園

光祿名園慘淡中十年樽酒與誰同  
有秋方畢隨軒雨未節俄驚落帽風  
坐想池塘生碧草獨行堦砌惜芳叢  
陽春絕唱知難和白首空搔兩鬢蓬

和曾通直

誤落塵中四十年乞歸骸骨喜安全  
廟廊論道徒虛耳曩鼎銘勲愧缺然  
一視榮枯真若夢兩忘喧寂始知禪

金仙秘典容傳玩似與君家有舊緣

依前韻和朱朝奉

起坐終朝在一堂興來賓至更啣觴逢春預展新花檻  
扶老時翻舊藥囊心慮已能安止止聲名何用漸章章  
少遊有志今方遂坐守松楸不去鄉

攬轡宿心終不効墜車餘骨老猶全居仁由義吾之素  
處順安時理則然名教地中真有樂色聲頭上豈非禪  
樽前醉客應相笑一曲悲歌幾處緣

喜雪呈安觀文謝惠酒

雪花盈尺覆春田  
太守勤民慶有年  
介任袁安從放卧  
寒矜枚叟不加延  
桃根度曲今何在  
柳絮裁詩久未傳  
內集豈宜虛舊賦  
為公舉白抹朱絃

自歡

逢春何事有咨嗟  
短髮昏瞳對好花  
歡闕到來惟止暫

酒分加處更論此  
一簞闕慙顏氏  
百指笙歌類白家

樂天家執樂者才十八送老忘形樂  
吾分為謀豈不是良邪

和厚卿飲西湖時小姪同赴

勞生從宦意多違，常恨交親會合稀。父子相隨今不問，

疎廣謂受父子相隨

受乃廣兄之子也 主賓交錯暮忘歸，微波穩送蘭舫

度遲景，徐看玉笋飛。盡日清歡猶有憾，無人為唱縷金

衣。

侍講姪告蒲還京師以詩送之

身隨羣動各東西，別日常多見面稀。老去心情如水淡，

暫同樽酒惜花飛。仲容

阮咸

任達常知退公子

疎受

成名莫

忘歸共說無生閒過日也勝塵土弊朝衣

風雪偶成

狂風吹虐雪勢欲奪春華委地摧珠貫依林聚玉沙  
添新熾火瓶插未殘花一盡忘憂酒胡為浪感嗟

西堂前雙海棠花

羣芳斂色避妖妍細葉柔條盡可憐明艷濃常因日煖  
清香秘不許風傳此花不香麗於宮錦如新濯紅甚山櫻恐

墜燃

古詩曰山櫻發欲燃

若使退之堂下有不應長被五楸牽

退之

詩曰常遭  
五揪牽

南陽集卷十一



欽定四庫全書

南陽集卷十二

宋 韓維 撰

律詩

和三哥登太行山

三朝恩渥重丘山  
論報輸忠豈易殫  
移疾暫休丞相筆  
坐謾猶著侍臣冠  
清樽一笑聊相樂  
白首分飛益自嘆  
閭里從遊應有日  
凝然性海絕波瀾

送李閣使出守冀州

天子仁恩撫四陲邊兵坐飽太平時  
只知使者持金絮不識將軍有鼓鞞  
君去守藩憂就重古來忘戰志當危  
祖門事業如南仲無使家聲愧鼎彝

和子華兄清洛阻風

將相身榮大耋年高懷先到碧嵩前  
牙兵不用驅雙節神物應須護兩舷  
錦段已傳佳句麗絲頭無復世情牽  
華顛學士聆風喜歸思如今已浩然

上元夜

結綵山為對斗魁和風清月共徘徊喧闐樂曲鑿與近  
烜赫袍光雉扇開午夜明缸回照景晴天華轂闕春雷  
太平時節身無補慙愧年年游騎來

餞朱

闕

卽席上作

狂風凍雨

闕

無時坐惜良辰樂事違娛老便甘十日面

減春何啻一花飛

杜詩曰一片花飛減却春

池塘新漲魚紋亂臺榭

餘寒燕語稀莫唱鄉闐動離思為君勤抹醉中歸

送安厚卿

廟廊接武窺風範  
蕃翰交符識典刑  
即聽攀轅傾里巷  
少回征轡燕家亭  
池邊密葉聽鶯語  
庭下殘花墜鶴翎  
不必陽關動離思  
西湖柳色正青青

陪堯夫兄弟一飯清話

相別相逢似轉輪  
迹雖遼遠意常親  
美羹舊手欽元老

鹽菜誠心待故人

梁柳為陽城守過皇甫謐謐之門人欲厚具待之謐曰予平日侍梁柳不

過鹽菜今而厚具是貴陽城太守而騰梁柳也待之如初

密竹環波寧受暑  
殘花映

葉尚留春逍遙竟日聞嘉話時節方知自有因

寄亳州范待制

知公道韻厭軒裳得郡今猶占厲鄉館御列仙蘭終馥  
迭唱篇章玉競溫開卷不知雙淚墜同時惟止一身存  
尚欣儒雅風流在今見吾交二葉親

觀燈

稻收未熟廩困盈民俗熙熙鼓腹行萬點華燈雖不夜  
十分芳酒是無明齊人有本先循法愛已何心欲更生

更有一機當妙悟寥寥空外管絃聲

寄范侍郎

行年八十幸安強半在空門半醉鄉能保其身歸我里  
閔勞以事荷吾皇題詩遠寄幽棲地開卷猶聞燕寢香  
待得公來花未落出游方駕酒同觴

酬劉郎安孺慶八十

桂起安居濯了纓結茆憑几坐忘情行年及老漸仁德  
終日為歡盡孝誠垂白退休承世範紆朱列侍愧朝榮

近來捉得文章塔，陡覺吾門喜氣生。

答歐陽通直以予年八十見寄

人生七十古云稀，況復行年又十暮。奕世未嘗欺暗室，

先人常以不欺暗室戒子孫全身又喜遇明時。消磨舊業憑黃卷，斷

送餘光近玉卮。佳句祝延誠厚意，不忘交戒是吾師。衛武

公年九十五猶傲于國曰無謂我老老而舍我必朝夕交戒我

挽詩

仁宗皇帝挽歌三首

遠俗長歸塞中原不見兵禮文興廢絕刑典蹈寬平  
慙動三危色哀纏萬國情新宮表仁號堯德恐難名

玉几宵登寢靈衣晝入宮追

闕

兒童松

柏三川路旌旗十月風龍髯攀才得法泣抱遺弓

丹宸中天坐猶思玉色臨威神隨日遠德澤在人深  
諡定園丘意功傳清廟音誰將良史筆難狀志仁心

曾太皇太后挽歌二首

不宰功參帝無疆道合坤簾帷保明辟社稷付神孫身



蹈姜任德心通黃老言褒揚存手詔奚仗史臺論  
慶緒鍾王國柔儀儷帝家仁深天與性教盛月增華海  
上黃金闕人間素奈花臣民懷慕意猶冀返雲車

神宗皇帝挽歌三首

立政追王體修文邁古風漢儀遵別廟堂典脩新宮却  
號追前美更元記屢豐龍髯攀不得號絕抱遺弓

庠序尊儒術梯航走德輝玉龍何地駐金雁不時飛聖  
治歸簾幄歡謳奉袞衣未嗟軒御遠猶仰百年威

與並商宗學雄趨漢武才難回九清駕空湛萬年杯旂  
旒翻風遠簫韶度阪來臣民仰遺像血書有餘哀

太皇太后輓歌二首

宣仁

沙麓開祥兆河洲邁德風壯猷咨故老柔道息諸戎在  
已儀常損於民惠少豐誰持太史筆善述九年功

雲路回仙仗簾帷闕玉音詒孫為後法復辟是初心教  
被宮庭肅恩沾海宇深常叨侍文陛白首淚盈襟

晏元獻公輓辭三首

大策安宗社高文著廟堂從容造辟議感激薦賢章  
貂冕崇厥服鑿與俯奠觴哀榮豈無有公德倍輝光

先帝文章老東朝羽翼臣風流至公盡哀憤與時均  
簫鼓悲將曙烟雲慘不春靈輶歸舊治遺愛泣州民

直道初終見高情出處同光華兩朝內文字一生中  
愛酒憐陶散言詩許賜通平生知己類洒盡九原風

司徒杜正獻公輓辭二首

舊相論全德當朝獨盛明一身清比玉萬務倚如衡  
正

色排羣枉溫辭接後生暫持禮官筆無以大休聲  
謹議開帷幄仁風逐旆旗生靈瞻用舍賢俊入吹噓去  
位猶憂國終身不廢書傳家無異物惟挂舊安車

太傅李康靖公挽歌三首

秉哲歸元老宣忠輔至平四蕃流惠愛三事賴謨明國  
子哀榮備人推壽寵并紀言惇史在猶足庇蒼生  
知止冠早挂娛閑金屢揮緒言猶在聽英魄遽何歸去  
國簫笳遠迎風旌旄飛邦人慰懷慕餘慶在緇衣

烜赫三台責優游二品終幹時身有盡報國意無窮事  
業傳青史英靈俊紫嵩輻車隔攀慟悲淚洒秋風

中書令程文簡公挽辭二首

謀猷國稱老政事吏為師始卒君臣分哀榮將相儀行  
人看笳鼓舊部泣旌旗千載伊嵩路蕭蕭隴樹悲

政罷機衡後功成屏翰間未聞持節召俄見挽喪還盡  
戟空留第丹旌獨出關忠勞不須問宸篆揭碑顏

宋元獻公挽辭三首

先帝英雄毅司空第一人文章通日域聲價重天倫典  
策歸鴻筆謀猷轉大均欲知全盛美華袞就安輪

儉是終身事書無釋手時指膺誰戒妾易箆自呼兒冠  
劍平生象簫笳一品儀邦人知所法宸篆表忠規

昔侍從容論猶能記緒餘精深義山句妙絕漆園書顧  
鈍嘗加糲憐枯每借虛霜風國西路揮涕洒靈車

僕射高文莊公挽辭三首

羣經分上下大節凜終初國仰謨猷在人傳論議餘藏

家惟古器納壙或竒書儒者哀榮極臨觴降玉輿  
懇上畿庭印來敷秘殿經退朝多謝客隱几或忘形道  
勝於生達時窮與化冥高談無復見遺像泣丹青  
未卒金華業俄聞鹵薄行音容如夙昔文雅是平生偃  
蹇丹旌動徘徊素驥鳴霜風九京路悽愴國人情

王侍讀挽辭二首

舊族人猶鳳清班署冠鰲法書傳隸古才筆擬莊騷贈  
印官稱寵題旌謚典高無由攀塋紼佇立望行艘

去日還鄉旆今朝反葬車露門虛近位東觀束殘書論  
議留臺閣哀榮動里閭始終稽古力當代幾人如

鄧聖求挽詩二首

南國丞旄士西清對宿儒晚躋淹廟勝速奪動宸吁正  
色持風憲嘉猷儼典謨惟書仁者勇傳世厲非夫  
鄉有先生號朝多長者言談經人服戴辨獄世高袁雨  
濕銘旌暗風搖挽鐸喧無緣攀塋紼洒淚望秋原

蘇才翁挽辭二首



勲業經營內賢豪許與中遠圖宜將相高論自兒童名  
挂江雲白魂歸楚樹紅諸孤盡才秀它日大門風  
奕世婚姻舊平生昆弟游篇章每驚坐談笑得忘憂不  
復銜盃樂空能助紼謳淒涼篋中字揮洒看銀鈎

哭蘇子美三首

未起蛟龍卧俄纏鵬鳥悲寢門號故友總帳哭孤兒業  
履歸輿議銘文愧絕辭滄浪亭下路長負故人期

子與  
子美

有滄浪之約

今則已矣

魄動書流愴

子美去冬與余書云  
魄無相見之期

誠通夢告悲

余夢若有告子美已

者旦而得訃音

人生要有盡君沒竟何施  
白日空塵几春風自

酒卮旅魂歸未得  
藁葬近要離

才大終為累  
冤深豈復論  
幾年流落恨  
千里寂寥魂  
功業初懷負  
風流秀句存  
英靈邈無所  
洒淚望閭門

鄭公挽辭

兼才不廢刑  
名學雅意多  
從翰墨遊  
通德門中傳  
舊業平蠻記  
上見佳謀  
朝衣永闕  
泉臺夜挽鐸  
猶添夢  
楚秋

文彩聲名今不泯  
郎官君聽在鰲頭

范蜀公挽辭二首

正學躋經席孤忠入諫垣  
論儲十九疏議樂數千言  
勇去高門地歸乘下澤轅  
華顛不及用遺恨滿丘樊

白圭絕玷成高節古井無波見靜心  
朝廟肯隨時俯仰閭閻寧與俗  
浮沉新聲未及乘儀鳳麗賦空餘擲  
地金曾是南園預遊客春風淚洒百花林

孫曼叔挽詞三首

高才正論動朝紳出入光華二十春  
褒詔未登新學士  
恆章俄賁舊宮臣履聲長絕高門地  
墨妙空留素壁塵  
一奠華觴不知慟白頭相好苦無人

定契仍三去從游復一鄉  
擲金看麗賦報玉得雕章  
不盡良哉用空令識者傷  
欲知恩禮重恤視走銀當

青邱傳經罷朱轡報政成  
近民緣愷樂致主出忠精  
屢困清漳卧終垂下澤行  
衰年失良友行泣望銘旌

中書傳欽之侍郎挽詞三首

聖主方思助皇天亦悲誠屢空安可病久困卒能亨廊  
廟虛槐位家園近柏城聲名流不竭長共濟時清  
久敬欽交舊雍和浹弟昆玉溫儒者行矢直諫臣言遽  
返生申魄猶虛命說恩只因為善報餘慶在高門  
壯節淹鵬海高年集鳳池謨猷未及展簫鼓已成悲經  
擗留天幄書囊入殿帷傷心濟源道無復故人期

謝師厚挽詞三首

落筆無塵語垂髻有俊聲人咨漢故事坐屈魯諸生道

不緣貧病心能處困亨它年文苑傳不愧著公明  
論文滿樽酒別恨幾筒詩不謂相思久終無一笑期地  
卑傷賈誼冢近得要離尚有芝蘭秀風流未覺衰  
幻有終何得真空夙所歸丘陵甘一跌霄漢任羣飛妙  
墨嗟猶在華觴不重揮交親半零落哀淚下沾衣

鄭閔中挽辭二首

南宮平昔佐文衡麗賦親聆擲地聲羣進士中連得雋  
四先生裏舊知名嚴凝

關

來何暮瀟洒安輿去已輕

萬里故鄉歸不得，要離冢畔有佳城。

守道貧原憲，傳經老伏生。聲名徒自振，心慮淡無營。廢

卷多懷古銜，杯靡吝情。

晚頗飲酒  
自見天真

思君最深處，始卒盡

純誠

王微之龍圖挽辭二首

用舍時焉爾，窮通命也歎。石渠推舊德，王座閱新書。雪  
飲連揮掌，春遊每並輿。平生寢門淚，白首倍連茹。

高情夙慕冥鴻舉，晚節終隨倦鳥回。物外忘情常隱几，

酒中得趣亦啣盃每因誤曲煩周顧

歌詞有未甚協諧者微之必以聲律

正幾廢言詩每鼎來

匡衡少時字鼎

九十年齡隨化盡所嗟不

盡是君才

馮當世挽詞二首

名冠英雄毅身參將相尊有客滄海量無玷白圭言密  
議調美鼎高懷寄酒樽從今此中意無復故人論

逍遙靈壽杖嚴密具茨書脫屣遺浮世披衣得舊廬

得生

披衣釋人語也當世往年感疾神遊故樓

酌非光祿酒祭乏武昌魚禮薄情



從厚秋風淚滿裾

哭曾令緯三首

密勿論兵地光華問俗車

公屢出使

嘉謀盡戎幕惠澤浹民

閭語道多忘已言詩屢起予去思何以慰遺像儼精廬  
典麗文章雅正躬高才又出相門中廟堂帝識精忠議  
蕃服民歌愷悌風一息不還成昨夢六情都盡見真空  
平時共說無生和生死如今異與同

飾館延歸馭維舟結勝遊黃花頻採掇白髮共淹留預

約歸田計仍懷許國憂斯言兩不遂慟哭竟何尤

毋沆挽辭二首

早接英豪論聞君伯仲賢高談諸老屈懿行一鄉傳處  
順寧違俗求歸不待年終南山色好長到酒樽前

疇昔西遊雍相逢各壯年坐從歌扇密歡任酒杯傳樂  
事空塵土清名自簡編耆英滿朝路回首一潸然

故漢嘉太守禮院學士張公挽詩

奏賦先多士讐書並列仙榮歸衣屢錦高議絕嘗綿料

寇流言止安民善頌傳憑誰持絮酒一酌蜀山前

吾交崔與范

崔象之  
范克夫

取友得端良直節晚仍苦嘉名久

更香高懷輕世利餘事入文章萬里緘哀恨春風挽鐸

鏘

南陽集卷十二

欽定四庫全書

南陽集卷十三

宋 韓維 撰

絕句

歸許道中二首

京洛風塵久客情  
暫由歸路眼中明  
最憐楊柳青青色  
徐策征驂唱渭城

駱駝崗上沙如浪  
馬足東來困涉登  
却羨長陂春水滿

清晨漁子下寒罾

改在  
崗下

丞相城上植柏

種柏東城次第高，便驚蒼翠映霞朝。  
有心解報公封植，

不學羣芳艷易凋。

和晏相公西湖

荷香時傍清樽落，菱蕩遙迎畫舸開。  
行到南亭莫回首，  
綠楊陰外即風埃。

和晏相公湖上四首

霧霽山高牖天寒水落沙試披深岸草往往見黃花  
覆水登紅稻篙舟割紫菱杯盤見秋物江海思飛騰  
風枝挂危葉飛動夕陽中莫遣兒童撼留看著露紅  
折葦隨風色枯荷盡雨聲平波極眼淨好放畫舡行

鶯二首

春風搖動葉陰低上下林間弄煖暉似惜清音知者少  
孤吟不盡又驚飛

鳴聲清滑簧溫暖毛羽鮮明金瑩磨剝擬牆邊栽綠柳

好來相伴日吟哦

答師厚夜歸客舍見詒

幽居直欲學忘言  
忍對賢豪遂默然  
談到精微夜寥閱  
秋風時下竹窓前

和晏相公湖上十月九日三首

霜風吹林葉亂墜  
波下疊疊如鋪茵  
漁人不用更安摻  
直可鑿水收紫鱗

斷橋孤嶼寒光外  
短檝輕舟夕照中  
未必江湖能勝此



野棠梨葉赤如楓

秋花含練猶強發映水依林黃復丹已覺微陽在波底  
浴鳧沈鷺不知寒

余去歲遊襄城之高陽山逮今復來視壁間所  
識適當去年之遊日作詩記之

曾訪禪林翠靄間再遊時序已循環自憐不是風塵客  
獨喜年年來看山

謝送妃子園荔枝

年年驛使走紅塵  
貢入驪宮色尚新  
妃子園名猶未改  
一籠丹寶寄閒人

惠文編

一編高唱暑中開  
習習清風匝地來  
金作瓶盤珠就貫  
知君親到寶山回

江長官惠茶

春風北苑露芽繁  
購得封題第一番  
真際雲門吾不問  
一提瓶起萬魔奔

寄曼叔

陟徑幽園獨杖藜  
幽襟默與好風期  
欲知何處思君切  
正對紅團野杏時

醱釀花

細蓓繁英次第開  
攀條盡日未能回  
不如醉卧春風底  
時使清香拂面來

謝朱厚之惠米

水邊看得霜稂熟  
月下春來玉粒寒  
不待魯公親折簡

直憂顏子屢空簞

再用前韻答厚之

食新味美欣秋稔求舊情深見歲寒若共朱門論德義  
萬鍾爭及一瓢簞

城西書事五首

蔬畦遶茅屋林下輓轡遲霜萼已除架風飄空挂籬  
朱果繁霜後甘甜半自零忽驚林色曙零落見殘星  
犬吠村墟改人移井臼空誰家收粟罷林脚有遺蓬

松陰不可憩，冷冽恐飛霜。時有高風過，乾花落石床。  
野竹蒙荒塹，寒花亂廢墟。秋郊足幽事，直欲帶經鋤。

徐秘校過池上見訪留五絕句

依韻

林暗罷收筍，蹊空初掃花。靜中泉落岸，清極雨沾沙。  
舟小從波兀，橋深愛樹遮。風煙生遠思，何必慕棗槎。  
樽酒浮多蟻，舟篷覆似蝸。折揚爭貫鯉，編竹自撈蝦。  
多病宜田里，無名籍殿衙。一耽林館勝，回首笑塵譁。  
憐君此休駕，長日坐傾斜。山雨催行酒，林烟候煮茶。

始見龍門

十年長望洛川雲，目極空思勝事繁。今日良遊知我有

彭婆北下見龍門

彭婆板石

和晏相公府東三詠

韓王宅

開邦勲業高，無讓啓第規模壯。絕隣興廢感懷悲，  
吮久柳梢花葉自青春。

楚家宅

即楊少師書契地也

婆娑桂樹垂丹艷  
落落松枝偃翠英  
訪古賞春俱有得  
不勞勤遠事幽尋

李相園

楊花點徑殘春後  
草氣薰池過雨初  
行到松洲有遺興  
水聲東下竹間渠

和邵學士留題府署東堂  
有不及花時之歎次韻

翹材曾驗太常車  
壁上新留醉墨斜  
一覽雕章私自喜

遠來猶得及殘花

君逢煙葉才抽日

卽題云時花有說  
一百五者方吐紫

我值風葩欲謝辰

稱意人生無十九要須爛醉洛陽春

洛城雜詩四首

分從柳外揚鞭去同作花前載酒行題得新詩無處寄

雜英飛絮滿春城

楊寺丞持詩  
見尋不遇

洗馬澗邊芳樹密闌干仍在碧流西香檀亂拍朱絃急

應有遊人醉欲迷

洗馬  
澗



上東門外春三月桑葉陰陰覆菜花密竹亂流行遲絕

桔槔鳴處是人家

上東門外

無數長條亂曉風誰將紫錦覆春叢殘英點落青苔面

獨倚朱欄細雨中

府署紫錦帶花

櫻桃園裏鳴禽亂獬豸池邊積草多七十年前繁盛地

曲溪深隧見張羅

會節園

陪晏相遊楚家園賦四題

桂

葉裁青玉層層合花結丹砂小小垂不惜淹留賞殘艷  
抽毫愧乏楚人詞

竹

繁根傍水生先合翠色通門望更深待得牆東春笋長  
好來乘暑坐清陰

雁翅柏

葉翻清吹恐飛去影照澄波欲下來

昔牛羊下來之來

花有鶴

翎慙近俗松為麈尾可同時

松

蒼鱗上竦孤生幹  
翠鬣橫抽欲偃枝  
惟有公來賞修直  
洛城人重看花時

惜醪醖

天意再三珍野艷  
花中最後吐奇香  
狂風莫埽殘英盡  
留與佳人貯絳囊

洗馬澗

飄花拂柳巧縈回  
回處朱闌壓岸苔  
安得扁舟繫林下

共看清月八波來

陪晏相公遊韓王水磴園三首

怒水遠從輪下散  
平橋斜度竹間來  
林深不識遊人到  
無限驚禽去却回

行遍洛川南北岸  
自憐探賞頗窮幽  
不知物外清閒境  
只在韓王水磴頭

櫻連翠葉方離樹  
酒瀉銀壺欲照人  
不是謝公丘壑趣  
豈容清醉倒冠巾

和晏相公小園靜話

袞除名利開清論  
東汰文章到古風  
日暮園林洒微雨  
一樽猶對菊花叢

普明寺西亭五絕句

溪面驚禽鳴復翔  
薜梢藤蔓覆衣裳  
無端脩竹行不盡  
何處野花時自香

脩篁蔽日森蒼壁  
遠麥迎風亂翠波  
安得嵩雲洒飛雨  
更將清思助吟哦

水楊柳絮風中亂  
野薔薇花波上明  
春芳零落不照眼  
對此聊復開予情

圓荷帖帖野池平時有  
龜魚傍岸行  
春事寂寥初暑動  
坐聽流水竹間聲

野鶴飛來水樹春  
丹砂作頂羽如銀  
似矜毛彩非凡偶  
欲下清波猶顧人

洛府東池泛舟

風中林葉欣欣動  
竹外波光剌剌來  
日晚清樽催客醉

夜深紅燭待舡回

出留守府之東遊李相園趙令竹林觀楚家桂  
樹余去歲數從元獻公為此行作三絕句以道  
悲愴之意

府東朱戶昔常開日日從公選勝來遊履吟臺成故事  
斷松飛溜有餘哀

李家池上朱櫻熟趙令林中錦籜春更欲題詩論舊賞  
自慙非是絕絃人

曾陪樽酒詠芳叢今日遲留意不同

公詩云更作丹花  
滿烟葉欲令佳客

利遲

紅萼似知人慘淡亂隨清淚落春風

明叔惠洛中花走筆為謝

弱枝穠艷逐歸輪裝出雕盤露色新  
滿酌酒卮聊自慶  
一年齊見兩邦春

省僻畫山水

亦道寧筆富公  
為判官時令畫

淡水疎峰舉目間獨憐平遠思多閒  
煩君莫使埃塵污  
絕筆如今不易攀



西城三絕句

暖風和日著人來  
細柳高榆抱逕回  
我為傷春足悲恨  
不禁驅馬上愁臺

右愁臺

大梁從古名都會  
宮闕當年亦壯哉  
人事無端幾興廢  
春風依舊入城來

右梁王城

由來為國必賢才  
偃息端能弭禍灾  
千古風流誰嗣者

顧瞻遺廟獨徘徊

右段干木廟

和原甫安福院二絕

在鄭門外臨水原甫  
諭寺僧開軒向之

平橋背郭紅塵斷  
淨宇臨溪綠樹深  
何日君間同命駕  
涼風吹袖聽鶯吟

久遊京洛化塵衣  
聞說林泉便解頤  
能使波光入軒檻  
為君携酒復題詩

紹隆院池上五首

細雨踈烟冒廣池  
危亭晨坐冷侵衣  
秋風不作羈人便  
波面蕭蕭柳葉飛

蜻蜓漆墨蝶金黃  
上下波間有底忙  
不及柳陰雙白鷺  
終朝伴我立溪傍

露蓼風蒲匝四阿  
欠盤無數覆清波  
丁寧舟子徐移棹  
枉碎池中綠錦窠

池邊衰草化秋根  
螢火多于五月蚊  
看久驚風忽飄散  
樹頭金燼落紛紛

日日池頭望綠波  
秋聲蕭瑟欲翻荷  
已驚寒露朝來重  
零落紅渠水面多

答勝之過學舍相訪

世事紛紛無已日  
人生鼎鼎欲何如  
不嫌官冷時相過  
幸有明窓滿架書

晏相公西園雪後栽梅三首

日晏金華勸講回  
幅巾藜杖小園來  
知公洒落遺塵事  
旋斲寒梅趁雪栽

才看如粟吐花床

花床記  
園吏語

已想江南萬里香  
小綴柔枝

得殘雪密催繁艷喜晴陽

寒芳準擬臨風折  
佳句安排對酒論  
知想錢塘林處士  
暗香浮動月黃昏

明叔昆仲特惠梅花聊賦小詩三篇為謝

勁雪巖風不易摧  
瓊苞猶冠百花開  
洛陽去此無多地  
不似迢迢驛使來

玉笋久期繁艷至  
筠籠先漏暗香來  
歌童知我憐芳意

不向尊前唱落梅

朱萼瓊華次第開  
煩君自折向春臺  
遙知玉季承歡讌  
唱盡新詞釀巨杯

懷邾幾

下三首南園同日作

清醉由來未愜心  
更携殘酒傍花陰  
共思瀟洒江夫子  
獨擁枯桐事苦吟

懷景仁

電激波旋春已空  
此間尊酒幾時同  
欲知對酒思君處

零落殘花滿架風

答次道馬上見示

醉插花枝薄暮歸不知風雨過長堤夫君信是高陽客  
還有新詩馬上題

同和叔早出天波門馬上口號

去年連騎出天波共愛晴暘景氣和又喜遊從經歲月  
西城宮樹綠嗟哉

南陽集卷十三